

Morning Regional Dogri News Bulletin, 21st October 2024

मार्निंग डोगरी न्यूज़ बुलेटिन, समें. 09-20 Hrs

<><><><><><>

Headlines

1. जम्मू कश्मीर विधानसभा दे नमें चुने गेदे विधायकें गी अज्ज श्रीनगर च सगंध चुकोई जाग।
2. सोनामर्ग च आतंकवादिएं आस्सेआ कीते गेदे हमले च इक डाक्टर ते 6 निर्माण कम्मगार मारे गे न ते 5 जनें जख्मी न। गृहमंत्री अमित शाह, उपराज्यपाल मनोज सिन्हा ते मुख्यमंत्री उमर अब्दुल्ला होरें इस बुजदिलाना हमले दी सख्त निंउेया कीती ऐ।
3. बारामुला जिले च होए दे टाकरे च इक आतंकवादी मारेआ गेआ ऐ।
4. प्रधानमंत्री नरेन्द्र मोदी होर अज्ज नमीं दिल्ली च एनडीटीवी वर्ल्ड सुमित 2024 द इंडिया सैंचरी नां दे सम्मेलन गी संबोधत करगन।

<><><><><><>

JK Oath

जम्मू कश्मीर विधानसभा लेई नमें चनोए दे विधायकें गी अज्ज श्रीनगर च सगंध चुकाई जाग। प्रोटेम स्पीकर मुबारक गुल होर सदन दे सब्बनें मिंबरें गी सगंध चुकागन। शपथ ग्रहेण समारोह दिने 2 बजे शुरू होग। 90 मिंबरी विधानसभा च ऐकती 51 मिंबर पैहली बारी चुने गे न, बीजेपी दी 29 ब'रे दी शगुन परिहार जिलें थमां चुनां जित्तेआ ऐ ओह सब्बने शा लौहकी उमरी दी विधायक बनिया न जिसलै जे नैशनल कांफ्रेंस दे चरार-ए-शरीफ सीट परा जित्तिथै आए दे 80 ब'रें दे अब्दुल रहीम राथर सब्बने शा बड्डी उमर दे विधायक बने न। नैशनल कांफ्रेंस दे गै अली मोहम्मद सागर ते अब्दुल रहीम राथर दऊं ऐसे विधायक न जेह्ड़े रिकार्ड 7मीं बारी चुनां जित्ते न। सागर होर 1983 थमां विधानसभा दे मिंबर न जिसलै जे राथर होर 1977 थमां चुनोदे आए न। 10एं ब'रे दे वक्फे दे बाद होए दे इनें विधानसभा चुनाएं च नैशनल कांफ्रेंस नै 42, बीजेपी नै 29, कांग्रेस नै 6 ते पीडीपी 3 सीटें पर जित्त हासल कीती ऐ। एह्दे इलावा आम आदमी पार्टी ने 1, अवामी, इत्तेहाद पार्टी नै बी 1, मार्क्सवादी कम्युनिस्ट पार्टी 1 ते जम्मू कश्मीर पीपल्स कांफ्रेंस बी 1 सीट हासल करने च कामयाब रेह जिसलै जे 7 अजाद मेदवार बी जेतू घोशत कीते गे न।

<><><><><><>

Ganderbal Massacre

घाटी दी मशहूर सैलानी थाहर सोनामर्ग दे नेड़े गांदरबल जिले दे गगनगीर इलाके च कल आतंकवादिएं आस्सेआ इक जेरे—तामीर टनल आली थाहर कीती गेदी गोलीबारी च इक डाक्टर ते 6 निर्माण कम्मगारें दी मौत होई गई ऐ। इक अधिकारी नै दस्सेआ ऐ जे घट्टोघट्ट दऊं थेआरबंद आतंकवादी सोनामर्ग च जैड मोड़ टनल दे निर्माण लेई कम्म करै करदी इक प्राइवेट कंपनी दी मैस च जाई बड़े ते उनें उत्थें रातीं दी रूट्टी खा करदे वक़रें पर अन्नेबाह गोलिया चलाई दित्तियां। उत्थुआं नस्सने शा पैहले आतंकवादिएं बाहर खड़ी कीती गेदे दऊं गड्डिएं गी अगग लाई दित्ती। इस हमले च मरोने आले च बडगाम जिले दे नेदगाम ग्रां दे डाक्टर शाहनवाज बी शामिल न। मरोने आले होरने जनें च गुरदासपुर पंजाब दे गुरमीत सिंह, बिहार दे मोहम्मद हनीफ ते कलीम, बिहार थमां गै सेफ्टी मैनेजर फाहीम नासिर, मध्य प्रदेश थमां मकैनिकल मैनेजर अनिल कुमार शुक्ला ते जम्मू थमां डिजाइनर शशि अबरोल शामिल न। हमले च जख्मी होए दे होरने लोकें गी कंगन आले उपजिला अस्पताल लेता गेआ जित्थुआं गंभीर तौर पर जख्मी होए दे गी श्रीनगर दे स्किम्स अस्पताले च दाखल करोआया गेआ।

<><><><><><>

Condemnation

केन्द्री गृहमंत्री अमित शाह होरें जम्मू कश्मीर दे गगनगीर च अेदोसें नागरिकें पर होए दे आतंकवादी हमले गी बुजदिलाना कारवाई करार दित्ता ऐ। सोशल मीडिया दी इक पोस्ट पर शाह होरें आखेआ ऐ जे इस बुजदिलाना हमले गी अंजाम देने आलें गी बख्शोया नेई जाग ते साढ़े सुरक्षाबलें दे जवान उनेंगी एहदी सख्त कोला सख्त सजा देंगन। शाह होरें मारे गेदे लोकें दे परोआरें कन्नै हमदर्दी जतांदे होई जख्मिएं दे तौले नरोए होने दी कामना कीती। शिड़क, ट्रान्सपोर्ट ते जरनैली शिड़कै दे केन्द्री मंत्रर नितिन गडकरी होरें बी इस मिले दी सख्त निंदेया कीती ऐ। उपराज्यपाल मनोज सिन्हा होरें बी इस बुजदिलानपा हमले दी सख्त निंदेया करदे होई एह जकीन बी दोआया ऐ जे एहदे च शामिल लोकें गी अख्शोआ नेई जाग। उनें आखेआ जे उनें पुलस, फौज ते सुरक्षा बलें गी पूरी खुल्ल दित्ती दी ऐ। मुख्खमंत्री उमर अब्दुल्ला होरें बी आतंकवादिएं आस्सेआ कीते गेदे इस बुजदिलाना हमले दी सख्त निंदेया कीती ऐ।

<><><><><><>

URI

तोआई बारामुला जिले दे उड़ी इलाके च नियंत्रण रेखा कश छिंडे दे टाकरे च सुरक्षाबलें भारी थेआरें कन्नै लैस इक आतंकवादी गी मारी मकाया ऐं पुलसै जानकारी दित्ती जे इलाके च कोई संदिग्ध नकलोहरकत दिकखे जाने परैत सुरक्षाबलें दी इक सांझी टीम नै इलाके गी घेरियै घुसपैठ करा'रदे आतंकवादिएं गी ललकारेआ, जेहदे पर आतंकवादिएं उंदे पर फौर खोली दित्ता। जवाबी कारवाई च इक आतंकवादी मारेआ

गेआ। जेह्दे पंछान अजें नेई होई ऐ। उआं टाकरे आली थाहरे दा इक एके रैफल, एदियां दऊं मैगजीनां, एके रैफल दियां 57 रौंद गोलियां, दऊं पस्तोलां, पस्तोल दियां त्रै मैगजीना ते होर दुआ असला बरूद बरामद कीता गेआ ऐ।



Labour Minister

श्रम ते रोजगार मंत्री डॉ. मनसुख मांडविश होर अज्ज नमीं दिल्ली च असंगठित खेत्तर दे कम्मगारें लेई ई—श्रम **One Step Solution** नां दे मंच गी शुरू करोआंगन। एह् गैह् बक्ख—बक्ख सरकारी स्कीमें तगर असंगठित खेत्तर दे कम्मगारें दी सखल्ली पुज्ज जकीनी बनाग। इ समंच दा मुंडला मकसद असंगठित खेत्तर दे कम्मगारें लेई चलाई गेदी समाजी सुरक्षा ते कल्याणकारी योजनाएं दे लाभार्थिएं बारे जालकारी गी संगठित करना बी ऐ।



EPFO

कर्मचारी भविष्य निधि संगठन ईपीएफओ नै इस ब'रे अगस्त म्हीने च 9 लक्ख 30 ज्हार नमें मिंबर अपने कन्नै जोड़े न। जिंदे चा 8 लक्ख 57 ज्हार महिलां न। श्रम ते रोजगार मंत्रालय नै आखेआ ऐ जे संगठन कन्नै इस ब'रे कुल रलाइयै अजें तोड़ी 18 लक्ख 53 ज्हार मिंबर जुड़े न। मंत्रालय नै आखेआ ऐ नमें लोकें दे ईपीएफओ कन्नै दर्ज होने दर श्रेय बधदे मौके, कर्मचारिएं गी थ्होने आले फायदे दे बारे च बधदी जागरूकता, संगठन दी लोकें तगर कामयाब पुज्ज गी जंदा ऐ जिंदे कारण लोक एह्दे कन्नै जुड़े करदे न।



APS Akhnoor

आर्मी पब्लिक स्कूल अखनूर दे 50 ब'रे पूरे होने दे सिलसिले च इक दऊं रोजा शानदार नमैश ते पुस्तक मेले दा सरिस्ता कीता गेआ जेह्दे च बच्चें दी विज्ञान, गणित ते कलाकारी दे क्षेत्र च शानदार छमता ते महारत दा जज्बा दिखने गी लब्भा। एह्दे अलावा तेजिया कन्नै लोक प्रिय होआ करदे मसनूई समझदारी जिसी आर्टिफिशल इंटेलीजेंस आखेआ जंदा ऐ ओह्दे बी शानदार नमूने दिखने गी लब्बे। इससै चाल्ली पुस्तक मेले च मकामी लखारिएं दियां केई कताबां ते स्कूल दे उभरदे लखारिएं दियां कतांबा बी लोकें दे दिखने ते खरद लेई रखियां गेदियां हियां।



PM World Summit

प्रधानमंत्री नरेन्द्र मोदी होर अज्ज नमीं दिल्ली च एनडीटीवी दे विश्व सम्मेलन 2024 गी संबोधत करगन। अपनी इक सोशल मीडिया पोस्ट च मोदी होरें आखेआ जे ओह अज्ज 10 बजे होने आले इक सम्मेलन गी संबोधत करने लेई उत्सुक न। प्रधानमंत्री होरें आखेआ जे भारत दी विकास यात्रा कन्नै जकीनी तौर पर दुनिया दा ध्यान अपनी भेठा आकर्षित कीता ऐ जे युवा शक्ति, मुख गी नमिएं उंचाइं पर लेइयै जा'रदी ऐ। उनें आखेआ जे ओह अपने संबोधन च भारत दी प्रमुख उपलब्धिं पर लोह पांगन ते साफ करगन जे दुनिया भरै च भारत आकर्षण दा केन्द्र कीह बना'रदा ऐ। उंदे संबोधन च 2047 तगर भारत गी विकसित मुख बनाने ते 2030–31 तगर मुल्ल गी त्रीह सब्बने शा बड्डी अर्थबवस्था बनाने दे लक्ष्य बी शामिल कीते जाने दी संभावना ऐ। सम्मेलन च होरने नेताएं दे अलावा भूटान दे प्रधानमंत्री, बारवाडोस दे प्रधानमंत्री ते बरतानिया दे साबका प्रधानमंत्री बी अपने बचार सांझा करगन।

<><><><><><>

Minister Satish

खुराक, सार्वजनिक बंड बिक्री उपभोक्ता मामले ते ट्रांसपोर्ट मैहकमे दे मंत्री सतीश शर्मा हुंदा जम्मू पुज्जने पर कड़ी गर्मजोशी कन्नै सुआगत कीता गेआ। जम्मू दे लोकें आस्सेआ उंदे सुआगत च कड्डी गेदी रैली चंदन बिहार मुट्ठी च सम्पन्न होई। अपने समर्थकें जिंदे च आम जनता दे इलावा केई मुबजिज शैहरी, सिविल समाज दे लोकें बी शामिल हे, गी संबोधत करदे होई मंत्री होरें उनेंगी जिताने लेइ लोकें दा धन्नबाद कीता ते कन्नै मुखमंत्री उमर अब्दुल्ला हुंदा बी आगार जताया जिनें उनेंगी इन्ने महत्वपूर्ण मैहकमे दी जिम्मेवारी सौंपी ऐ।

<><><><><><>

MLA Ramban(byte)

रामबन थमां विधायक चुने गेदे अर्जुन सिंह राजू होरें आखेआ ऐ जे नमीं सरकारै रामबन जिले च विकास ते स्थिरता आन्नने दा पक्का धेइया कीते दा ऐ ते प्रशासन दे कम्में व पूरी चाल्ली पारदर्शिता ते जवाबदेही जकीनी बनाने लेई वचनबद्ध ऐ।

<><><><><><>

T-20 Women

महिला टी-20 क्रिकेट विश्व कप दे कल रातीं दुबई च खेड्डे गेदे फाइनल मकाबले च न्यूजीलैंड नै दक्खन अफ्रीका गी 32 रंज कन्नै हराइयै खताब आने नां करी लैता। पैहले बल्लेबाजी करदे होई न्यूजीलैंड दी टीम नै

दक्खन अफ्रीका दे सामने जित्त लेई 159 रंज दा लक्ष्य रखेआ जेह्दे परते च दक्खन अफ्रीका दी टीम पूरे 20 ओवरें खेडियै बी 9 विकटें दे नुक्सान पर 126 रंज गै बनाई सकी।



President Awards

राष्ट्रपति द्रौपदी मुर्मू होर कल मंगलवारें नमीं दिल्ली च 5में राष्ट्रीय जल पुरस्कार 2023 भेंअ करगंन। केन्द्री जल शक्ति मैह्कमे नै 9 बक्ख-बक्ख श्रेणिएं च 38 जेतुएं दी घोषणा कीती ऐ जिनेंगी एह पुरस्कार दित्ते जांगन। इंदे च बेह्तरनीन राज्य, बेह्तरनीन जिला, बेह्तरनीन ग्रां-पंचैत, बेह्तरनीन शैहर निकाय, पानी दी बरतून करने आलें दा बेह्तरनीन संगठन ते बेह्तरनीन सिविल सोसायटी दी श्रेणी शामिल ऐ। हर इनाम दे हिस्से दे तोरा परइक प्रशस्ती पत्र ते इक ट्रॉफी दित्ती जाग जिसलै जे किश श्रेणिएं लेइ नकद इनाम बी रखेआ गेदा ऐ। मंत्रालय दा आखना ऐ जे सम्मान प्रदान करने दा मकसद जल प्रबंधन ते संरक्षण बारे जागरूकता फैलाना ते इसी प्रोत्साहित करना ऐ।

